

مستطابق

در سعادته باب عالی جاده سنده
اداره مخصوصه
محل اداره :

خطار :
مسلكه مزه موافق آثار جديه مع المنونيه
قبول اولنور
درج ابدله بن آثار اعاده اولغاز

دين ، فلسفه ، ادبيات ، حقوق و علوم دن باحث هفته لاق رساله در

مؤسلى : ابوالعلا زين العابدين - ح . اشرف اديب

تاريخ تأسيسى :
۱۱ نموز ۳۲۴

سنه لکى	التي آياني	درسه دنده
۶۰	۳۰	ولا ياتده
۸۰	۴۰	مملك اجنبيه ده
۸۰	۴۰	

در سعادته نسخيه ۵۰ پاره در

قبرله دن مقوا بورو ايله كوندري بيرسه سنوى
۲۰ غروش فضله آلنير

در سعادته بوسته ايله كوندري بيرسه ولايات بدلى اخذ اولنور.

ايكنجى جلد

۲۵ صفر ۳۲۷ پنجشنبه ۵ مارت ۳۲۵

عدد : ۳۰

ایچون بعث وارسال بیوردقلری جوامع الکلم اولان احادیث شریفه سنده صراحة ذکر واتیان بیورمشلردر .

رسول ذیشان افندمن حضرتلری انواع معجزات باهره لریله کمالات بشریه یی، اخلاق وحقانیت اسلامییه برر برر تدریجی و مؤثر صورتلرله افراد بشره آکلاتغه باشلایهرق نائل فوز وهدایت اولانلر طرف طرف رتبه عالیہ دیانتک بیوکلکنی و آچیلان طریق مستقیمه هر حالده اتباعله کندیلرینک و بلکه بتون انسانلرک واصل مراتب کمال اولاییله جکلیرنی درک و تیقله شوق وجدانیلری، یقین ایمانیلری آنآ فائا کسب قوت ایدرک دائماً حضور پیغمبریده بولونمایه، ظاهری و معنوی، دنیوی و اخروی اسباب سعاده توسل ایچون بیانات نبویهیه مشتاق و مترقب بولنورلر ایدی .

محض سعادت بشریه خدمت و کافه عبادۀ عین رحمت اوله رق (اکمل المؤمنین ایمانا احسنهم خلقا، اقر بکم منی مجالسایوم القیامة احاسنکم اخلاقاً) و امثالی پک چوق حدیث شریفلریله اصحاب کزین افندیلرمنی تهذیب اخلاقه هدایت وارشاد بیورلرایدی .

کره سیات بشریه ظلمتنی تمامیه رفع وازاله یه کافی اوله رق شمس تابان خلق عظیم اولان معدن انوار سیدالابرار افندمن حضرتلری جمیع جهاتدن امر و تأدیبات صمدانیه ایله مؤدب اولدقلری حالده قانون خطابک اک مؤثر طریق اولمق اوزره قوللره امر و تبلیغ بیوریله جق امور و احکام الهیهنک بعض کره یالکز ذات مبارکلرینه توجیهی کبی مخاطبلری استماعده ثبات ایتدیره جک طرز بدیعلرله وحی سبحانیلر شرفنازل اولور ایدی. ایشته او جمله دن بریده سرلوحه ده اشارت ایلدیکمز آیت جلیله فرقانیه درکه بالجمله انسانلرک امثال ایتلری لازم کلن مواد اخلاقیه یی شامل ایکن دوغریدن دوغری یه ذات رسالت پناهیلرینه خطاب صورتیه شرفوارد اولمشدر. نظم عالی، مذکورک جامع اخلاق و کالات اولدینی شرح و ایضاحیه اکلاشیه جفی کبی علماء دین طرفلرندنده تصدیق و بیان بیورلمشدر .

جمله اولاسی اولان (خذ العفو) لفظ مبارکیه علی الاطلاق مساهله و مسامحه ک اخذ و التزام بیورلمسی قطعاً و صریحاً امر و اراده سبحانیه اولدینی منصوص اولمغه برابر انسانلرک عموماً آرزو ایتدکلرندنه شبهه بولونمایان عزت و سعادتک عفو دینلن خلق جیل ایله الله ایدیله جکنی ینه صاحب شریعت افندمن حضرتلری (ان العفو لایزید العبد الا عزاً فاعفوا یعزکم الله) حدیث شریفلریله ده تحکیم بیورمشلردر. حدیث شریف مذکورک مال اجمالیسی : محقق عفو دینلن شی انسان ایچون آنجق عزت و سعادتق تزئید ایدر، اوله ایسه عفو ایله معامله ایدیکمز که جناب حق دخی سزی عزیز و عالی قیلار، دیمکدر .

الواحد کلف قینلندن اوله رق حدیث شریف مذکور عفو صفتک عظمتنی افاده ده کافی اولمقله برابر صفات کریمه ربانیه دن بولونماسی و اسماء حسنا ی سبحانیه دن بریده «عفو» لفظ شریفی اولماسی دقت و امتتاله شایان ایدوکنی بیان ایچون حجت وافیه در .

اقامه حدود و اجرای احکام شرعیه جانی و مجرملره عفو و مرحمت اولونماسق کبی بر صورتده تلقی ایدیله مز. چونکه نظام عالم و احقاق افراد و امم تنفیذ احکام شرعیه ایله قائم اولدیغندن همجنسمزه مرحمت و جمعیت بشریه خدمت هر حالده اقامه حدوده متوقف و محتاج اولمقله اخلاق فاضله دن بولونان عفو و صفحه منافی بریری یوقدر .

مابه ری کله جکدر برسه مبعونی الح

عمر فوزی

تفرق، تمیز

بویاکی کله اره سنده اسیجه فرق وار برنجیسی آیرلمق، ایکنجیسی سه چیلیمک ایله ترجمه اولنور. خواص عوام، عالم جاهل، زکین فقیر کبی هر ملتده طبعی الوقوع اولان صنوف مختلفه نک بربرندن ممتاز بولنلری تمیز، اعلان مشروطیتدن صوکره اسمی، مختلفه ایله تشکل ایدن فرقه لر تفرقدر. فرقه لرک تشکیلی انتقاد صدندنه دکم. چونکه ارده خلاف اولمازسه اختلاف رحمتدر. مقصد عاجزانهم بویاکی کله ایچون برر مثال ایراد ایتمکدر. تمیز و تفرق هر ایکسی فعلک ایقاعندن متأثراً واقع، تعبیر صحیح ایله بری «تریق» دیکری تمیز قوتلرینک تأثیریه متحصصل برر کیفیتدر. بویله اولونجه ناصل اولیورده قرآن جلیل الشانده «ولاتفرقوا» بیوریله رق تفرقندن نهی وارد اولمشدر؟ برشیتک مأموره و یامنه ی عنه اولمسی ایچون تحت اختیار و دائرة وسع و اقتدارده بولمسی ایجاب ایدر، انفعال قینلندن اولان شیلر دست اختیارده اولمادیفی ایچون نه امر نه نهی ایدیلر... دیسه سؤال اولنور ایسه جواباً دیرکه: مکلف به اولان برشیتک مطلقاً فعل مقوله سندن اولمسی لازم کلر، مقوله انفعالندنه اوله بیلیر. نته کیم بعض محققین نزدنده ایمان تصدیق قیلیدن عبارت و مقوله انفعالدن ایکن اکا ایصال ایدن نظر صحیح اعتباریه مکلف به در. تفرق ده بویله در. میانده کی الفت و محبتی مزیل و موجب تفرقه اولان سوابقی یاد ایتک اعتباریه نهی اولمشدر. «ولاتفرقوا» دیمک موجب تفرقه اولان کفت و کوی سابقکزی یاد ایله اره کزه اختلاف دوشور میکز که مخالف فرقه لر تشکل ایدره ک قوتکز انقسام ایتمش اولماسون. بیضاوی تفسیرنده بیان اولدینی وجهله بو آیت جلیله ایله لابون قرداش اولان اوس و خزر جک اولاد و احفادی اره سنده یوز یکر می سنه نزاع دوام ایتدکدن صوکره اسلامیتله ارا لرینک تألیف اولدینی اشعار و سبقت ایدن دیدی قودی یی اونودوب جبل متین شریعته متفقاً تمسک لزومی اخطار بیوریلور. طبق بویله در. منحوس استبداده تمام اوتوز ایکی سنه عثمانلیق عالنده بر تفرقه در کیدیوردی. کیمی کلاه قایمق، کیمی باشنه کچیردیک کلاهی محافظه ایتک ایچون یاقیلمادق جان، ییقیلما دق خانمان قالمامشدی. سرکارده بولنانلرک همان کانه سی جهله گروهی ایدی که بونلر ایچون شرع و قانون شبکه منفعت اولدیغندن صحه سیاسیاً مز مشهرذل و مسکنت اولمشدی. ناموس وجدان، فضل و عرفان، جهلک

طغیانہ محکوم قلدیغندن افراد ملت ارہسندہ بیوک برتفرقه وار ایدی. مشروطیت اعلان اولنجه اواستبداد برطرف ایدلدی. بتون عثمانیلر وحدانیت الهیه قسم ایله براتحاد ملی تشکیل اولندی. شمعی «واعتصموا بحبل الله جميعاً ولا تفرقوا» سرجیلی تجلی ایتک واکا توفیق حرکت اولنق ایچون قویاً بوجبل مشروطیت اعتصام و تمسک واولدالته ترفع، منافع شخصی تحتده مخالف فرقهلر تشکیلندن توفی ایجاب ایدر.

حاصلی تمیزی استحصال ایدن قوت علم وجهله سعی وعطالت کی متمیزلرک نفسلرینه عائد برطاقم امور طبیعی، تفرق قوه مؤثره سی ایسه تأمین منفعت شخصی کی امور خارجه اولدیغندن اولکیسی ضروری و ممدوح، ایکنجیسی واجب الاجتاب و مقدوحدر. «فاعتبروا» «ولا تفرقوا».

اسکوب بلده رئیس سابقی

محمد فربه

صراط فکر

ایمانک هر دورده کی حالی

انسانیت ایمان اعتباریله اوج مهم دور کچر مشدرکه بولردن هر برینک کنديسنه خاص میزاتی، لوازمی واردر. فطرت اولی دوری اولان ایلک دورده انسانلر ایمان فطری ایله مؤمن اولدقلری ایچون احتیاسات قلبیه لرندن باشقه برسائق اولقمسزین خالق حکیمه قارشى عرض خضوعدن کرى طور مازلر و بوتعبد احتیاجنی بر علم ضروری ایله بیلرلر ایدی. حتی بواحتیاج کنديلرنجه یمک، ایچمک احتیاجندن اشاعی قالمزدی.

بودور ادوار سائر آرہسندہ شکوک وشہادت برائتیه تمیز ایتمشدر. زیرا اوزمانک انسانلری اساس ایمانده تردد نہ ایش، اعتقادده ضعف، قوت نصل اولورمش، بیلمز لردی. بونکده سببی — انشاء الله ایلریده موقع بحثه چکه جکمز وجهله — کنديلرینک شوائب ظنون و خرافاتدن مبرا اولان دین بسیط فطرتله تدین ایتلرندن عبارتدر. بودور بدایت خلقتدن باشلا یهرق جناب مسیحک بعثته بر قاچ عصر قالدنجیه قدر دوام ایدرکه نه قدر زمان اولدیغنی تخمین قابل دکلدر.

حکمت و فلسفه دوری اولان دور ثانیده عقول اشیانک اوزرنده کی کشف پرده لری قالدیردی. افکار تصورات عالیہ، مسائل غامضه فضالرنده جولانه باشلادی. کرک بوعالم شہودده، کرک عوالم غیوبده ید قدرتک کنديسنندن کیزلیدیکی سرائری احاطه املیه و رای ردای مجهولیتی استکشافه قویولدی.

بودور اذهانده برطاقم شکوکک تولدی، افراددن بر قسمک عقولنه معتقداتک اساسلری علیهنه بر آلاى شیطاین شہاتک حلولی ایله

تمیز ایتمشدر. ذاتاً بوشہلرک میدان آلمسی پک طبیعی، پک ضروری ایدی. زیرا عقل انسانی بو طبیعت کشفه نک قیودندن قورتولمق ایسترده کنديسنک سرائر موجوداته نفوذینہ حائل اولان حجابری یرتمایه میل ایدرسه بوصولت سربازانه اونک مدرکاتی انحق کنیدی وسعی، کنیدی ترقیسی درجهسندہ احاطه ایدہ بیلمسنی استلزام ایدر. آرتق او مراحل فکریده عقلک رهبری خیال اولور. حال بوکه مرشدی خیالندن، دلیلی ایسه طبیعت بشردہ مرکوز احتیاساتدن عبارت اولان بر عقل ایچون کنار فلاحی بولمق قابلمیدر؟

شبه یوقدرکه عقل حقیقت مطلقه یی انحق کنديسنک مقید بولندینی درجه نک مساعدہ سی نسبتندہ ادراک ایدہ بیلر. بناءً علیہ اوکا واصل اولدینی نقطه یی مرکز حقیقت ظن ایتیه رک دها ایلرینہ اوزانسنی اخطار ایدہ جک، اصل حقیقتک وهم ایتدیکندن اوزاق، هم پک اوزاق بر موقعده اولدیغنی اکلاته جق بر قوتک وجودینہ احتیاج ضروری ایدی. ایسته بوندن طولاییدرکه الله ذوالجلال اوکا شکوک وشہات صورتنده تجلی ایدن بر روح دافع کوندردی. مراد آلهیسی ایسه اونی معنای قدسی لاهوتی ادراک ایدہ بیلہ جکی مرتبه یه قدر ایستر ایسته مز سوق ایتمکدی. بویوزدن فیلسوفلرله رؤسای ادیان آرہسندہ بر حرب دائمی میدان آلدی. آتش اویلہ قیزیشدی که بوتون عقلای اتمک اندیشه یکانہ سی اولدی. آرتق علم کلام، الہیات، جدلندن، حل شہات ایله اوغراشمقندن عبارت قالدی.

علوم طبیعیہ و فلسفہ حسیہ دوری اولان اوچنجی دور اون التجی عصردن باشلا یوب اون طقوزنجی عصرک نصف اولنه قدر کلیر. بودورده علوم طبیعیہ ارکانیله آباى دین آرہسندہ بر نزاع علم و دیندر قوپدی. غالبیت اولکیلرک طرفندہ قالدی. مع مافیه بونتیجه ایکنجی فرقه نک خالق علمدن تبید ایتک، استدالات عقلیه و فکریده بولونمہ یی منع ایله مک کی افراطاته سلوک ایتلرندن ایلری کله بر عکس العمل موقت ایدی. هله بودورده دینہ قارشى مبالا تسزلق او درجه یی بولمشدی که آرتق دینسزلرک سوزلری ارباب دینہ و طرفدارلرینہ رغماً عوام آرہسندہ واجب الاحترام برر دستور حکمت صورتنده تلقی ایدیلوردی.

شو بزم بولوندیغمز دور رابع که دور فطرت و طبیعتدر، بودور بشریتک شکوک وشہاتدن منزہ اولان دین فطریسنه رجعت طریقنی آراشدیرمسيله تمیز ایتمشدر. شیمدی شو دورت دوره عائد بعض ایضاحات ویرمه مز ایجاب ایدیور:

دور اول

دور فطرت

ادیانک اساسلرندن بحث ایدن علما بدایت خلقتده بشرک عبادت ایلدیکی ایلک معبود حقندہ اختلافه دوشمشلردر، مادیون انسانلرک طوغریدن طوغرینه اک قباشکلده بولان اصنامه عبادتدن باشلا یهرق